

SFS genj: 2009:600

Departementi/Organi: **Kulturakoro departementi**

Anav (rubrika): **Čhibjakoro kanuni (2009:600)**

Kerdo: 2009-05-28

E kanuneskoro soisibe thaj o cili

1§ Ko akava kanuni isi regularija (pravilia) baši i švedikani čhib, bašo o nacionalikane minoritetikane čhibja thaj baši I švedikani nišanikani čhib. Ko kanuni isi thaj regularia bašo e raštrakoro (državakoro) thaj e komunengoro odgovornost kaj te šaj te del pe sakone dženeske šaipe baši čhib thaj te istemalkerel i čhib ki oficialikani buti thaj ko internacionalikani relacia.

2 § E kanuneskoro cili tano te sikavel sar e švedikane čhibjakoro adžahar e javere čhibjengiri situacija thaj lengoro istemalkeribe (upotrebibe) ko švedikano sarinipe. E kanuneskoro cili tano thaj te arakhel sar e švedikane čhibja adžahar thaj o čhibjalo butipe ki Švedia thaj sakone dženeskoro šaipe baši pli čhib .

3 § Te isi disavo javer kanuni ja pale regulari kori so ko olengoro soisiba terdžola diso javer a n asar ko akava kanuni, tigani važinela odova so terdžola ko javer kanuni.

I Švedikani čhib

4 § Ki Švedia i švedikani čhib tani šerali čhib.

5 § Sar šerali čhib i švedikani čhib tani barabarutni čhib ko sarinipe (društvo), thaj oj ka ovel šajutni te istemalkerel pe ko sa o sarinikane (opšttestvena) thana sa e manušendar so bešena ki Švedia.

6 § E raštra (država) thaj e komunen isi specialno odgovornost kaj te šaj i švedikani čhib te istemalkerel pet haj te džal angle.

O nacionalikane minoritetiakane čhibja

7 § O nacionalikane minoritetikane čhibja tane I finsko, javudikani čhib, menkieli, romani čhib thaj I samikani čhib.

8 § E raštra thaj e komunen isi specialikano odgovornost te den arakhibe thaj dumodejbe e nacionalikane minoritetikane čhibjenge.

I švedikani nišanikani čhib

9 § E raštra thaj e komunen isi specialikano odgovornost te den arakhibe thaj dumodejbe e švedikane nišanikane čhibjake.

Čhibjakoro istemalkeribe ko oficialikano butikeribe

10 § O krisia, e vlastengere administracie thaj o javera organia so isi olen oficialikano butikeribe, othe kerela pe buti ki švedikani čhib.

Ko javer kanuni isi specialikane regularia bašo o hako (pravo) te istemalkeren pe o nacionalikane minoritetikane čhibja thaj javer javer nordikani čhib.

Keda I ko pučiba o krisia thaj e vlastengere administracie te istemalkeren (upotrebinen) tumačija thaj te hramiranen (prevodinen) dokumentacia, bašo odova isi specialikane regularia.

11 § I čhib koi oficialikano butikeribe ka ovel arakhli, jekčhanutni thaj haljovdi.

12 § E vlasten isi specialikano odgovornost kaj te šaj i švedikani terminologia ko sa o zanatikane thana te ovel šajutne te istemalkerel pet thaj te džal angle.

I švedikani čhib ko internacionalikane thana

13 § I švedikani čhib tani e švediakiri oficialikani čhib ko internacionalikane thana.

E švedikane čhibjakiri pozicija sar oficialikani čhib ki Evropikani unija isi te arakhel pe.

Sakone dženeskoro šaipe baši čhib

14§ Sakone jekheske so bešela ki Švedia ka del pe šaipe te sikljol, te barakerel thaj te istemalkerel (upotrebinel) i švedikani čhib. Avri kotar odova

1 okova/okoja soj jek kotor kotar o nacionalikane minoritetia ka del pes oleske/olake šaipe te sikljol, te barakerel thaj te istemalkerel (upotrebinel) i minoritetikani čhib, thaj

2 okova soj kašuko-laloro ja pale harišunutno (so na šunela šukar) ja pale te isi džiko so isi ole soskipa te istemalkerel (upotrebinel) i nišanikani čhib, oleske/olake ka del pe šaipe te sikljol te barakerel thaj te istemalkerel i švedikani nišanikani čhib.

Okova/okoja so isi ole jek javer dajakiri čhib a na sar so terdžola ko jekto kotor ka del pe oleske/olake šaipe te barakerel thaj te istemalkerel pli dajakiri čhib.

15 § I raštra thaj o komune tane odgovorno te del sakone dženeske šaipe baši čhib sar so terdžola ko 14 §.